

四庫全書

集部

欽定四庫全書

集部  
鯤濱詩集卷三

詳校官監察御史<sub>臣</sub>周元良

侍讀<sub>臣</sub>孫球覆勘

總校官進士<sub>臣</sub>楊懋珩

校對官助教<sub>臣</sub>胡予襄

謄錄監生<sub>臣</sub>張丹崑

欽定四庫全書

鯤溟詩集卷三

明 郭諫臣 撰

元旦聖節口占二絕

五更膏沐去朝天萬厯今朝又一年  
江海孤臣時捧檄寸心常在聖人前

晨夕嚴裝上帝都聊從遠地效嵩呼  
方今天子真明聖夏啟周成得似無

新正二日與客虎邱敘別

山樓與客進椒漿  
鐘磬時聞到下方  
城雪尚留殘臘意  
江梅微露早春光  
宦情本似浮雲薄  
別意空隨逝水長  
回首自憐歌舞地  
煙花三月在他鄉

春夜洛社舟中敘別

一篙春水暖浮煙  
洛社溪頭夜泊船  
對客欲烹陽羨茗  
呼童汲取惠山泉  
燈前高會逢新歲  
醉後狂歌逐少年  
他日相思何處是  
吳山回首白雲邊

途中寄別方司訓

幾年同結青山社，此日還乘畫舫行。  
愧我風塵緣薄宦，憐君煙月倍多情。  
雲中孤鶴嗟何遠，海上閒鷗自不驚。  
高蹈如公真足羨，深源出豈為蒼生。

夜宿儀真公館

風色晚來定，濤聲聽漸平。  
大江當縣繞，片月近人明。  
柝府寒烏集，松堦夜鶴鳴。  
沉吟燈下坐，多少別離情。

途中憶諸兒孫

客路迢遙憶鳳雛  
草堂羣聚日歡呼  
一時尚未離慈母  
他日期當作丈夫  
世說神駒堪上廐  
誰憐老驥倦長途  
幾回月落關山夜  
恍惚神游在五湖

過滁陽陸五臺李漸菴許敬菴三丈招飲公館賦  
別二絕

滁上相逢盡故人  
張燈開宴意何親  
欲知別後相思處  
豐樂亭前月一輪

衆山環列翠微屏  
故舊相看眼竝青  
明月滿堦賓客散

令人空憶醉翁亭

元夕宿池河驛

馬上逢元夕令人憶故園  
月中絃管沸燈下綺羅繁  
火樹當空列人煙徹夜喧  
客途今寂寞獨坐向黃昏

臨淮北渡

馳驅江路遠此日渡淮河  
睥睨低紅日旌旗漾碧波  
春光看柳變煙景翳帆過  
身係浮名去歸期奈若何

宿州道中遇風有感

金匱山房集 卷三  
向晚風猶急長途日易昏  
征人尋宿處馳馬望前邨  
過  
隴牛羊下歸林鳥雀喧  
宦游此風景勞役共誰言

彭城懷古

江淮北上古徐州城下  
黃河日夕流煙火萬家連  
兗豫  
舳艫千里向燕幽  
春風草長王孫路  
夜月塵迷燕子樓  
驛畔孤墳碑廢久  
行人指點說留侯

行次河間路聞外補

馳逐風塵際悠悠祇自憐  
除官當歲晚為客在春先去



國緣多口還朝知幾年淮陽稱卧治不敢擬前賢

過白溝河

回首鄉關去路遙白溝河上度星軺滄洲日落迷煙草  
紫陌春歸在柳條身外浮名何足羨鬢邊華髮不曾饒  
自憐瘦骨仍多病奔走風塵肉暗消

暮抵雄縣

鼓樂喧闐震耳鳴遠勞車馬出郊迎平沙隄上留行轍  
弱柳風前拂去旌添我腰黃誠異數悞人頭白是虛名

從今勘破人間事好向湖山續舊盟

過琉璃河

平沙一望接京師獨上河梁折柳枝日煖冰消春水漲  
分明千頃碧琉璃

都門外報國寺夜坐書感

徵書歲晚下江鄉走馬來瞻日光咫尺君門天萬里  
燈前寂寞夜偏長

登報國寺毘盧閣

毘盧高閣倚層雲，仗劍閒登日未曛。  
萬頃煙霞天外落，九重城闕望中分。  
雪晴山色當牕見，風動鈴聲下界聞。  
徙倚闌干時縱目，皇都佳氣正氤氲。

廣庭步月有感

春月流輝浸碧松，廣庭閒步自從容。  
幾年湖海來京國，此夜空聞長樂鐘。

都門與王比部馬憲副申內翰三同年敘別二首  
昔日看花伴，今晨喜盍簪。  
宦游來薊北，送別過城南。  
紫

陌春融雪青山曉護嵐情深頻進酒非是愛沉酣  
歸卧江鄉久時從檄召來分藩到庾嶺策馬去燕臺聖  
主原無意微臣自不才孑然湖海客知向幾時回

涇陽驛口占

幾日馳驅未出燕風沙滿眼路難前孤蹤遙向天南去  
回首長安在日邊

趙州懷古

長楊夾道引鳴騶夜宿燕南古趙州草滿叢臺非舊日

月明泝水只空流也知此處荆榛地多是當年歌舞樓  
陵谷變遷人不在關河煙鎖古今愁

柏鄉遇銓司舊吏時為縣尉賦此

客途逢故吏知我舊銓郎作尉同梅福之官在柏鄉嚴  
城勤斥候傳舍盛供張更向虞君問云何去廟堂

柏鄉懷古

路出柏人邑令人憶貫高捐生蹈虎尾視死若鴻毛漢  
主那堪迫商山自可逃區區圖雪恥寧惜趙王教

晚過內邱

晚過內邱縣東風輕拂夜雲旌去縹緲煙景漸霏微故  
里花將發他鄉客未歸兼程日南往中夜夢魂飛

夜宿順德公館

侵晨歷趙境薄暮宿邢臺秉燭當軒坐鈎簾待月來青  
衫春漸薄綠酒夜須開佳景方留戀城頭鼓又催

沙河縣

邢臺南望路迂斜一縣周圍盡白沙日映郊原鋪玉雪

風生林木綴瓊花霜前蚤起應迷鷺月下歸來止辨鴉  
試問當年檀道濟唱籌量得幾多車

邯鄲早發抵車騎關漫興

行次車騎關猶是邯鄲道雞鳴夜已闌馬嘶天漸曉旌  
旆風飄飄川原日杲杲行看煖氣回轉覺春光好新柳  
綠堪憐亂山青不了天畔送歸鴻陌上聞啼鳥游子未  
歸家故里生芳草因想宦游人馳驅空易老

渡漳河有感

輕浮一葦渡漳河時聽舟人起櫂歌山自太行西望遠  
路從全趙北來多春深諸塚埋青草歲久三臺浸碧波  
日暮停車倍惆悵英雄千載類消磨

淇縣

淇水湯湯日向東居民似有上皇風始知世變風移久  
浪說桑間與上宮

經牧野弔比干墓

牧野荒荒落日低愁雲深鎖比干祠寧將血濺商家土



忍見頭懸太白旗  
麥秀春郊麋鹿走  
花殘夜月杜鵑悲  
古來忠直多磨滅  
千載令人淚滿頤

延津道中

五更辭衛郡百里過  
延津馬踏晴沙日  
鶯啼紫陌春軟  
風隨弱柳細雨浥  
輕塵漸向東南去  
韶光別樣新

封邱道中

昨擬走大梁覽勝古  
汴京晨起延津境  
忽作封邱行山  
川本相似途路近  
且平遠馳燕趙騎  
復捲魏衛旌曉行

卷三  
赴殘月暮宿視長庚客途少休息傳舍多送迎思之良  
厚顏不如且歸耕所以晨夕內勞勞苦東征東征倦行  
役對鏡徒自驚

渡黃河遇風

河上東風吹客袍中流濁浪拍天高平生不識風波態  
今日方知涉險勞

杞縣懷古

杞邑名何始分封自有周報功宜百代置縣已千秋草

長多新壘花開滿故邱方今病河患誰宅此神州

甯陽公館雨夜獨坐

高館張燈坐悽然思不禁春風隨客遠夜雨滴更深  
漫說金橫帶還愁雪滿簷流光看易過對酒獨沉吟

夜宿會亭公館

古驛當周道環居多樹林一番春雨後千里使星臨  
苔暈侵堦長花香入院深燈前看綠綺何處覓知音

夏邑道中早行

東郊旭日遲遲起好鳥枝頭啼不已三杯濁酒漸微醺  
頃刻前行數十里鞍馬晨衝楊柳煙旌旗夜溼梨花雨  
風光到處自堪憐隨時歡賞人能幾

永城太邱驛

人傑從來使地靈永城猶借太邱名當時黨禍人皆死  
豈謂君因獨弔生

固鎮道中

雨後淮南路山原入翠微春風花漸發社日燕初飛曲

水迴官騎香泥染客衣江鄉寒食節早晚望東歸

王莊驛遇同年劉憲副

看花昔日曾為伴南北東西各一天萍水相逢疑是夢  
金蘭契合已多年郵亭晝掩梨花雨客路寒迷楊柳煙  
聞說鄰家春釀熟一尊聊共醉燈前

回過滁陽重別太僕三省丈

春來為客走燕關歷盡千山與萬山燈月滿城時北上  
煙花三月又東還眼前好景真成幻身外浮名總是閒

別去五湖堪浪迹一帆春雨下荆蠻

上巳早行見霜

上巳今朝是清霜昨夜飛色侵千戶曉寒損百花肥虛  
布青皇令翻成白帝威早行前路客引領望朝暉

上巳日過大柳驛

積雨初收列嶂青花開疑入錦雲屏風前舞燕迎人語  
陌上鶯聲喚客醒乘傳兩番經柳驛流觴千載憶蘭亭  
韶華滿眼辜清賞空逐征車作使星

上巳日南過滁陽

南去滁陽日未西  
四山環聳碧天低  
溪浮荇帶牽魚尾  
風落榆錢襯馬蹄  
社後已看玄鳥至  
春深時聽杜鵑啼  
鄉關回首多芳草  
漫把王孫歸路迷

夜宿六合縣僧寺

鳴騶入古寺  
借榻近高僧  
欲聽三乘法  
因傳五夜燈  
茶煙浮竹暗  
花雨向堦凝  
猶自牽塵鞅  
飯依惜未能

寒食後一日途中口占

一春潦倒客天涯幾度芳辰不在家  
寂寞江都寒食後  
東風吹老故園花

清明日江上遇雨

濛濛煙雨細如絲  
冷拂檐帷溼不知  
寂寞途中忘令節  
淹留江上數歸期  
酒從茅店分榆火  
人向柴門插柳枝  
猶記去年當此日  
桃花萬樹醉蟠螭

儀真寄同年潘明府

聞君作宰臨光澤  
花發公庭映賜袍  
燕闕北瞻紅日近



越鄉南去白雲高  
江天鴻鴈達千里  
宦海風塵欲二毛  
憶昔同遊今數載  
相思中夜夢魂勞

舟中喜晴

夜向蓬牕聽雨眠  
朝來時喜乍晴天  
風生野店青帘颺  
露浥沙隄錦纜牽  
花氣氤氲蒸曉日  
柳絲嫋娜弄輕煙  
鄉關自恨歸來晚  
狼藉春光在客邊

春日過同年伊祠部

日暖江城雨乍收  
花開三徑為停驂  
文園君自猶多病

金匱石室  
卷三  
宦海予今已倦遊世事看來同失馬機心忘却不驚鷗  
相逢鮑叔應憐我奔走風塵欲白頭

晚春歸蠡西舊宅

獻歲辭家春暮歸故園花已過芳菲雨餘細草侵苔徑  
風颺遊絲惹薜衣漫說鶯遷喬木嘯還看燕向舊巢飛  
他年謝却人間事十尺長竿一釣磯

暮春日有懷覺海玘公虎邱義公一首

獻歲客天涯春深始到家東風吹玉版夜雨長金芽久

與高僧別翻嫌去路賒遙思禪定後池月浸袈裟

三月三十日登虎邱

攜酒登山閣危闌日欲斜汲泉臨石澗試茗到僧家無  
意聞啼鳥傷心問落花來朝春已去空自惜年華

新夏日訪錢文學兄弟

一舸漕湖上投閒訪故知入門清晝永到處綠陰隨已  
負鶯花約還尋雞黍期東南稱具美欲去更栖遲

贈方司訓子靜次許太僕韻

金定四庫全書  
學道同商皓談經擬漢儒予慚葭倚玉君喜浦還珠  
春水從鷗遠閒雲伴鶴孤扁舟五湖上塵思似應無

將往贛南治行二首

久向吳中卧時將嶺北遊一官聊染指五月尚披裘  
座上拈桑落燈前理薊縑行期尋復改端為故人留

懶性真堪棄虛名復見推且當從吏隱未敢卜歸期  
遠道少音信深閨恨別離傷心對桃葉垂老客天涯

仲夏與客泛石湖

白舫湖中飲青山座上看日光浮浪出湖色入簾寒遠  
市煙初起深林雨未乾故人同勝賞潦倒厭微官

夏日過村居即事

不到家園久柴門碧草生鳥驚行葢起犬向主人迎入  
院茶初熟開樽酒復清幽軒日正永花外有啼鶯

夏日舟次平望與諸故舊敘別

吳中一卧幾經秋此日重為嶺北遊澤國風生帆正遠  
楚天虹見雨初收強將懶性移青雀漫把閒心對白鷗

好趁晚涼維綠柳故人燈下共淹留

錢塘江上起行

前渡桐江水江清異汨羅北來吳地盡南去越山多遠  
市青帘出危檣白鳥過薄遊何日返散髮傲煙波

夏日過武林同年滕學憲邀遊湖上賦別

薰風一葦繫長堤歌舞初停日已西十里荷香侵座遠  
六橋柳色帶煙迷虛名世上同蝸角浪迹天涯信馬蹄  
且喜故人相對飲松林蘭若更攀躋

桐廬道中

揚舲江上喜初晴  
兩岸山光夾鏡明  
到處水流寒澗出  
插天峰吐白雲生  
遠洲浴鷺衝潮起  
深樹新蟬吸露鳴  
前向嚴陵臺下過  
高風千古不勝情

雨中上嚴灘

山雨勢傾盆  
江流萬馬奔  
陰霾迷日月  
濁浪簸乾坤  
舟楫上還下  
煙林吐復吞  
宦遊瀕絕險  
空爾暗消魂

蘭溪道中

金匱山房詩集 卷三  
山雨朝來歇江流午漸平帆從天際落人在鏡中行孤  
鳥入雲沒羣峰接漢清扁舟時晏坐何處棹歌聲

月夜江行

夜色侵窗曙灘聲入座喧溯流臨皓魄乘興倒芳樽山  
斂微雲盡天從遠水吞滿懷風月思難與俗人言

衢州道中

侵晨鼓棹發三衢南去常山百里餘坐引清風生枕簟  
閒消白日在圖書山橋旆颺催沽酒蘋渚舟來喚買魚



漫說宦遊多勝賞倦遊今已類相如

自常山抵玉山途中作

亂山青四合江浙路中分  
草露沾香徑松風掃白雲  
遙趨南贛檄深愧北山文  
士女道旁立相看舊使君

山中晚眺有感

一路斜陽裏青山引客車  
幽花生澗曲修竹繞邨居  
天晚鳥飛倦途窮馬力徐  
宦遊味如此何日遂焚魚

早發進賢過羅溪湖上

山城侵曉發花露溼星輶日浴湖中水虹飛堤上橋柳  
塘風漸起荻渚霧全消傳食真堪愧何能答聖朝

宗室以詩見贈次韻奉酬

清朝水鏡愧虛名握節重為嶺北行嬾性怕題鸚鵡賦  
畏途時聽鷓鴣聲十年予老淹吳會八斗君才冠鄴城  
何日還期開蔣徑花前倒屣一相迎

峽江舟中晚坐二首

晚涼時喚酒雨黑似催詩澄水映肌骨微風洒鬢絲高

吟蓮葉舫頻進桂花卮醉向蓬牕立斜敲白接羅  
午向金川過宵從玉峽來沙邊雙艇泊燈下一樽開劍  
氣凌南斗薇垣逼上台遐方時戀闕飛夢到燕臺

江上聞笛

江上浮仙棹誰將玉笛吹時聞折柳曲更聽落梅詞響  
過行雲散聲隨斷角悲關山今夜月應起故園思

舟過白沙驛

向晚江城霽揚舸過白沙風塵千里客煙火萬人家簾

捲山光入帆隨日影斜重遊今十載空復惜年華

太和舟中晚眺

坐深棋局散落日已銜山鴉散浮雲外蟬鳴深樹間客  
邀新月飲漁趁暮濤還醉後看襟袖淋漓綠酒斑

江中夜行

夜倩漁舟引前行路不迷沙洲隨岸曲星斗向江低解  
道身如寄還拚醉似泥更闌頻剪燭水次已聞雞

舟抵贛城水西驛二首

仗節臨江右鳴騶過水西貌貅當路擁旌旆拂雲齊列  
嶂青環郭平沙白滿堤倚闌時縱目江草暮萋萋

一棹四千里茲晨抵贛州嶺雲籠樹暝江水抱城流鳥  
度煙林晚蟬鳴幕府秋蒼生空屬望此意未能酬

雨後與徐兵憲郭叅戎同往水西寺宴客

雨過江城霽鳴騶到法堂臨池開小宴入座動微涼竹  
送層軒色荷生滿院香高朋同勝賞爾汝意俱忘

立秋日飲劉公幕府

幕府初開宴凭軒花竹幽涼風時自至酷暑坐來收膾  
送銀絲細觴飛玉液流夕陽賓客散蟬噪已驚秋

贛城官舍遣興

東山復起為蒼生一路虛傳是福星江郭有時雲自白  
公庭無事草新青蟬鳴深樹涼颼動鶴唳空堦午夢醒  
退食小齋還自愧蒲鞭不用戶常扃

齋中向晚即事

炎方無事早休衙坐盼庭柯日影斜小閣傍林含宿雨

疎簾隔水映殘霞  
拋書几上看修竹  
運甓階前踏落花  
自笑年來成吏隱  
夢魂飛不到京華

夜起

夜起中庭坐  
秋聲滿樹間  
飛星渡銀漢  
殘月落蒼山  
迢遞雙闕句  
宣到百蠻幽  
懷清不寐  
凋謝鏡中顏

秋夜起坐

忽驚秋思動涼颼  
起坐幽齋夜寂寥  
月色半窗天欲曙  
秋聲滿院暑全消  
虛名世上真成夢  
隱士山中早見招

金匱要略卷三  
況復官閒公事少自慚無補聖明朝

送陸山人歸吳中

遠送東歸客江帆挂夕暉  
路從千嶂隔心逐片雲飛  
社日燕還去秋風鱸正肥  
故鄉何日返覓取舊荷衣

舟中重送陸山人

日暮滕王閣歸途此地分  
江空帆度影海闊鴈離羣  
故里同明月遐方多白雲  
一官匏繫此聲蹟未曾聞

再寄方司訓



酷有登臨興頻隨杖履遊杯浮覺海月舟泛石湖秋苦  
作籠中鳥難同水上鷗何時重會面一寫別來愁

秋日登滕王閣

高閣崔巍入太清閒來登眺不勝情開簾山向樽前落  
俯檻雲疑衣上生夕照霞飛紅欲斂秋江水漲綠初平  
乾坤納納堪容我愧縛悠悠世上名

中秋十一夜劒江舟中

客路秋將半連宵月漸佳星文動雙劒江色映孤槎雲

度簫聲遠風生燭影斜迢迢此良夜飛夢繞天涯

臨江道中夜坐

蘭舫下蕭灘江清浸月寒鵲飛沾露溼蛩響徹更闌貫  
酒拈杯坐篝燈把劍看宦遊多涉險底事效彈冠

新淦舟中晨起

蓬牕初睡起旭日照金川縹緲雲依樹微茫水接天鄉  
心萼菜外秋色蓼花邊點檢登臨興淒涼異昔年

十四夜太和舟中玩月

江月繞幾望長空銀浪生一輪秋未滿萬里夕同明影  
散黃金粟光搖白玉京關山當此際多少別離情

江上晚坐有懷

薄暮涼風發帆懸落照飛天長人去遠秋到客思歸沙  
鳥羣還集檣烏隱漸微坐看明月上杯酒莫相違

十五夜萬安道中玩月

中秋佳節今宵是遠駕孤槎客裏逢霽景煙消秋湛湛  
晴空月射水溶溶白榆花浸銀河冷丹桂香浮玉露濃

猶記當年湖上飲清光遙映二高峰

由萬安山行回贛途中雜咏三首

南向虔中去綠江細路斜蟲絲懸古樹鳥迹印晴沙山  
背雲移石林根露泣花眼前秋色好幽興在煙霞

飛蓋行山徑穿松過野橋霧連江樹暝天接嶺雲遙過  
客多隨伴居民半是樵前行無傳舍借榻度今宵

雨足山田稔秋高澗水清路從雲外繞人在瘴中行野  
草齊腰長幽花照眼明勞勞苦行役端只為虛名

晚過烏兒宿郭秀才家

晚過烏兒里時逢難弟兄  
茶煙秋院寂燈火夜堂清  
綏帶移時坐開樽待月明  
來朝人別後門掩讀書聲

蚤起

五更雞唱酒初醒  
桂影橫堦月滿庭  
門外砧敲秋露冷  
堂前燭吐夜煙青  
林含爽氣生靈籟  
山接長河見落星  
宦海茫茫無定所  
自憐蹤跡類飄萍

秋夜與徐兵憲東軒小坐

桂香庭院酒微醺  
戍鼓遲遲夜欲分  
對客披襟還促席  
呼童煮茗更論文  
風搖燭影當軒曙  
露冷蛩聲到處聞  
此夕相過投轄飲  
真成下榻為徐君

秋日閒登齋閣

齋居少塵事  
散帙獨登樓  
疎柳江城暮  
孤雲嶺徼涼  
風清客思夕  
籟動鄉愁  
徙倚還因嬾  
朱簾不上鉤

虔城秋暑

地與炎荒接  
秋高暑尚煩  
納涼開北牖  
看竹敞前軒  
幽

砌蝸潛出深林鳥自言江鄉鱸正美何日返家園

重陽日約徐憲副同登通天巖

破曉山行露未晞旌旗縹緲度煙微醉傾綠醕移時坐  
笑對黃花竟日歸嶺徼秋光供勝賞洞天霞彩送斜暉  
相逢幸有南州彥豈向東籬羨白衣

山中遲魯源不到口占

仙巖遲客來清曉麋鹿成羣齧瑤草山堂坐久景蕭然  
滿庭黃葉無人掃

遊忘歸巖

幽谷生靈籟，虛巖落翠微。  
行吟興未已，日暮竟忘歸。

秋日郭叅戎攜酒過袁侍御園亭小坐

柱史今何在，園亭秋氣清。  
小山浮水出，孤月浸空明。  
池映寒花影，庭多落葉聲。  
移樽醉山簡，對景不勝情。

月夜水閣宴客

良宵張宴集，高朋水繞亭。  
臺片月明露下，銀河秋氣爽。  
風飄金粟夜，香清坐中笛。  
奏梅花落，醉後杯浮竹葉傾。



酒散歸途人已靜時聞鼓角動江城

贛城秋晚

散衙行市里正值暮秋時露冷芙蓉老林疎橘柚垂西  
風鳴畫角細雨掩青旗書去鄉關杳悠悠千里思

齋居夜坐

小齋人靜後獨坐夜迢迢林外砧方急燈前酒欲消砌  
蛩悲露切嶺鴈阻天遙空抱煙霞癖無能遠市朝

虔城官舍遣興

齋居苦離索轉覺宦情微庭引蝸涎繞風吹鳥毳飛秋  
高鄉國遠日晏吏人稀向晚東樓倚閒吟竟落暉

暮秋與徐兵憲郭叅戎同登望江樓二首

層樓高駕大江濱與客銜杯醉夕曛地控荆甌山四繞  
臺臨章貢水中分旌旗霞映紅成綺金鼓風飄響入雲  
回首更憐秋色晚滿城黃菊送清芬

江城秋老景扶疎極目江天思有餘楓染微紅霜落後  
橘垂新綠鴈來初十年湖海牽塵鞅萬里關山畏簡書

底事登高空悵望故鄉此日正鱸魚

秋日姚山人自楚適嶺南道經虔中過訪贈別二

首

夙有煙霞興空慚湖海遊憐君渡湘水訪我到虔州龍  
劍元珍重蠙珠豈暗投大庾明月夜相約一登樓

久向吳中卧今為嶺外行風塵千里客琴劍一書生瘴  
海秋將盡關山月自明莫愁途路險南越已銷兵

夜宿南康公館

停驂投傳舍獨坐向黃昏落葉風前舞寒蛩露下喧薄  
遊瀕瘴海飛夢到家園醒後悲身世羝羊苦觸藩

大庾道中

馳逐空山路蕭條鬢欲星溪深人病涉橋斷騎還停瘴  
氣連雲黑峰高出漢青自憐塵世上江海一浮萍

晚登南安公館後樓

夕陽煙郭萬山圍暮倚危闌挹翠微嶺海天高人北望  
江湖秋老鴈南飛疎簾風透還吹帽虛檻雲來欲上衣

興比庾樓真不淺，坐看明月漸輝輝。

梅嶺山閣晚坐

百越南來此嶺分，荒煙落木翳斜曛。  
停驂緩帶臨丹閣，俯檻拈杯坐白雲。  
峻壁棧懸通鳥道，古碑苔長沒龜文。  
沉吟不覺天光暝，歸路喧傳迓使君。

雨中自南康回贛州作

客路通宵雨，蓬牕徹曉寒。  
濃煙護林薄，新水浸沙灘。  
隔浦蘆花白，經霜楓葉丹。  
買山資已辦，何必戀微官。

初冬贛城官舍思歸

春來策馬向關山，歲晚蕭條憶故園。  
自識犧牛終伏俎，從來野鶴怕乘軒。  
彈冠漸入垂綸景，報國空懷曝背暄。  
世事悠悠多變態，片帆歸去復何言。

月夜中庭散步

病骨終朝卧，鄉心萬里馳。  
朔風吹漸定，山月出何遲。  
玉宇清輝發，瑤臺疎影移。  
小庭叢菊滿，冉冉露華滋。

東軒對菊與僚屬晚坐

南菊堪幽賞邀賓共舉杯  
叢黃經雨綻縹白傲霜開  
晚景當軒聚寒芬入座來  
相逢宜盡興戍鼓莫頻催

曉發贛城江行下省

蕩槳初開雲水涯江頭日出照晴沙  
波搖荻渚飛銀練霜染楓林散綺霞  
蝦菜總歸漁父棹鴨欄多近野人家  
孤臣去國頻經此隨分優游度歲華

晚泊攸鎮宅

一官羈嶺北千里下湖西  
疊嶂連天起浮空去水低  
灘

高舟避石地僻驛臨堤坐向黃昏後清猿抱木啼

過皂口驛

江霧晨開霽舟行路渺茫青山寒映水紅葉飽經霜  
豚柵依茅屋魚罾掛石梁客途多勝景欲去不能忘

江上曉行即事

江上朝來景微茫煙水昏木蘭千里棹楓葉萬家邨  
樹末山光繞波心日影翻幽懷元自寂對此復何言

冬晚舟行劔江



朔風千里疾畫舸一帆輕山帶寒煙暮江翻雪浪明沉  
吟憐獨往馳逐繫微名徙倚蓬窗久悠悠無限情

暮抵豐城途中偶述

江上揚舲趁晚風隔窗煙霧畫濛濛蘆花寒映平沙白  
楓葉時兼落照紅自分疎狂成傲吏敢言流俗笑愚公  
終當脫却樊籠去一棹長歌笠澤東

暮發南浦

薄暮雪初晴揚帆江上行簾窺寒月影枕納夜濤聲地

迴魚書杳風高鴈陣驚鄉心兼旅思耿耿不能平

江上偶述

天畔寒雲翳日輪煙江千里一波臣薄遊終日嬰塵網  
長嘯移時岸角巾漉酒每思彭澤令濯畦甘學漢陰人  
百年光景今過半對鏡空嗟白髮新

峽江舟中遣興

一從綸命下公車奔走風塵畏簡書五嶺自慙隨岳牧  
三江無復伴樵漁繞籬松菊淵明徑環堵蓬蒿仲蔚居

幾憶故人空在目天涯何日賦歸歟

午過皂口驛

肩輿度危嶺雨歇衆峰青靈籟雲中散清泉石上聽  
白沙迷釣渚紅葉映郵亭遙想幽栖者時方午夢醒

茶花

木落空山裏茶花照眼明經霜同菊傲向日效葵傾  
氣借陽坡發英隨雨後生枇杷亦何幸獨擅款冬名

山行

金少卿詩集卷三  
天際陰雲翳山中午餉過隊衝文雉起旗颺畫熊多驛  
騎爭泉飲征夫出險歌客行殊已倦無奈吏情何

虔城酬贈張幼于

西風江上獲雙魚千里遙傳尺素書  
遠屋蓬蒿憐仲蔚滿囊詞賦憶相如  
鄉關迢遞看雲外官舍蕭條運甓餘  
堪歎故人頭白盡青山應許卜鄰居

東軒

朔風晨漸息霽景滿幽軒  
酒敵寒威散裘迎日氣暄行

吟憐桂影舉步避苔痕岸幘徜徉久渾忘案牘煩

齋居二首

嶺徼歲云暮城樓日正西隔林時吠犬遠市更聞雞吏  
散思開帙官閒學灌畦晚來燈下坐分火借青藜

詩骨偏多病齋居日閉關虛窗吟白雪高閣見青山歲  
月侵霜鬢風煙近百蠻吳中佳麗地放棹幾時還

寒夜獨坐二首

官舍張燈坐悠悠心事違城高寒角動寺遠暮鐘微宦

海空縻祿風塵欲拂衣江鄉梅信早終夜夢魂飛

一別鄉關後今經數月餘夜聞雲外鴈時檢篋中魚報  
國心徒切謀身計獨疎燈前閒屈指投劾到公車

晚登齋閣

江城住久偏多思齋閣閒來還獨登  
贛水浮空晴渺渺  
嶺雲籠樹暮層層  
幽棲近類離羣鶴  
兀坐聊同入定僧  
自笑百年今過半  
欲垂青史愧無能

贈鄭廣文擢任國博

薇垣分鎮嶺雲邊  
詞客相逢有鄭虔  
捧檄前登新絳帳  
談經不改舊青氍  
章汀歲晏風霜苦  
魏闕春來雨露偏  
自昔入朝多見嫉  
莫將詩向萬人傳

夜坐二首

放衙歸燕寢獨坐  
向黃昏世變同  
蕉鹿羈栖若檻猿  
未忘軒冕累暫遠  
市朝喧暗想連宵夢  
依依在故園

宦轍梅關北鄉心  
笠澤東未須逢狗監  
且自學雞翁薄暮  
鴉棲樹清宵鴈唳空  
年來遊已倦蹤跡類飄蓬

晚發贛城

野燒寒光慘蓬牕落景催舟隨流水下鳥帶夕陽回老  
去頻看鏡閒來獨舉杯連朝苦馳逐忍聽暮猿哀

江行

滄江人獨往日厭櫓聲喧水鳥傍船起陽鳥出浪翻灘  
危多峭石木落見空村地與炎荒接朝來氣漸溫

路見梅花

歲晏虔中路梅開雪滿邱春光度庾嶺地脈接炎州影



落空潭淨香飄曲澗幽月明清入夢恍惚到羅浮

江上與郭叅戎夜話

送別青山暮歸途彩鷁新年光若流水暖氣已先春江  
月遠隨客風濤夜懼人燈前陪笑語鄉曲意何親

五雲道中

縹緲雙旌動五雲遠山橫黛望中分鳴鉦宿鳥車前起  
陟巘啼猿木杪聞瑞日雲開庾嶺瘴寒鴉晨散楚天文  
年來虛忝新章貴碌碌仍慚未出羣

江上晚晴

雨歇山逾潤江行日欲晡波光時激盪煙景入虛無  
盡鷓村將近青蚨酒易酤醉餘還自笑天地一狂夫

立春日江上寫懷

俯仰乾坤裏悠然著此身清時去廊廟終歲客風塵  
腰下黃金貴簪中白髮新年光如過隙今日又逢春

吉水道中

細雨來青嶂澄流映白沙漁家從樹隱村徑逐江斜  
雲

暗迷寒鴈風生起暮鴉薄遊當歲晚終日困浮槎

夜宿清江公館自述

江城遙帶絳河斜獨坐宵分燭吐花鳳闕自陳容解綬  
鹿門今喜得移家閒居擬植千竿竹學圃還栽五色瓜  
直道自來難用世好將詩酒弄煙霞

江上聞乞歸命下口占三絕

投劾清時效二疏綸音忽已下公車書生未帶封侯相  
且向春風卧草廬

江上風濤險殺人，便應從陸走江濱。  
自今已得安身策，豈向天涯復問津。

征車馳逐苦勞勞，日晚風生舊緼袍。  
指點前途隨處宿，不須重覓呂虔刀。

山行過仙槎寺

梵閣層霄構仙槎，古寺名松間羣從入。  
石上一僧迎映日，孤雲細窺春好鳥鳴喜。  
無羈勒累瀟洒不勝情。

宿江上人家

落日催征騎扁舟下渡江  
軒輿停舍館燈火照山窗  
懶性真堪隱雄心未肯降  
良宵清不寐入枕水淙淙

烏兜公館

孤村屈曲四山圍  
華構新成落翠微  
高棟曉迎紅日起  
晴窗時送白雲飛  
三春花滿郵亭暗  
五嶺天高使節稀  
此地頻過遊已倦  
相將重整舊荷衣

虔城與同年徐憲副敘別口占五絕

把袂江亭歲欲徂  
春風依舊長蘼蕪  
楚天漠漠人南北

君向秦中我向吳

惜別看花並馬遊天涯此日共淹留萍蹤倏忽隨流轉  
碌碌風塵易白頭

話別江亭日欲晡片帆風送下姑蘇他年訪我衡門下  
松竹蕭然一老夫

杯酒淋漓話轉濃嶺雲籠樹暮重重清時投効非高尚  
直道從來世不容

渭樹江雲此地分且捐武事共論文關西理學今誰主

屈指儒林已到君

再別徐魯源兵憲周大川僉憲郭兩峰叅戎一首  
郵亭花發袂初分青眼相看忍別君  
嶺樹啼猿聽下淚  
楚天歸鴈惜離羣  
春江水長連朝雨  
落日風生萬壑雲  
此去聊堪同隱豹  
南山朝霧正氤氲

自贛抵萬安舟中遣興

一棹春江上東歸似季鷹  
自憐同白璧忽爾避青蠅  
非是嫌官縛多應免盜憎  
海天鴻獨舉萬里任騫騰

金史卷之三  
漳江門與王孫既白敘別

漳江門外柳條青  
別酒淋漓愧獨醒  
千里風波淹宦海  
一帆煙雨暗郵亭  
匡廬西望天將暝  
笠澤東歸鬢欲星  
知向王孫分袂後  
清猿吟斷翠微屏

餘干道中

千里東歸客  
孤帆細雨舟  
樹垂平楚遠  
水接大荒流  
冠蓋臨鮫室  
家山憶虎邱  
人生百年內  
天地一蜉蝣

安仁道中漫述



雨後春風拂面和江涵晴日弄微波一帆煙景侵衣薄  
兩岸山光入棹多行篋怕添新蕙改故園仍長舊藤蘿  
十年宦海真成夢好把宮袍換芰荷

貴溪道中

一竿斜日映簾低百丈遙牽入貴溪社日忽驚玄鳥至  
春風時聽鷓鴣啼墟煙渺渺天將暮江草萋萋路欲迷  
越水吳山行漸近芒屨到處可攀躋

晚過弋陽

雀舫東歸過弋陽迢迢千里水雲鄉江明倒浸孤峰影  
風暖遙聞百草香飛鳥晚來同客倦閒花時亦笑人忙  
吳門到日春光好煙柳低垂綠野堂

東歸過上饒東別沈三洲少叅

江上春風一棹歸從君乞取舊荷衣春來花底隨麋鹿  
雨後山中採薺薇題鳳有人過竹塢焚魚終日掩荆扉  
白雲滿屋心常寂不管人間是與非

曉從廣信過玉山途中作


時屬豔陽景誰無遊冶情況乘雕轂去遠作玉山行日  
氣蒸花暖煙光翳竹輕乾坤容我老荷芰製初成

夜泊富陽

富陽城下泊落日映川原雲起連天目潮生自海門客  
星春渚白仙舫夜濤喧嘉遯思前哲終期不負言

夜泊嘉興北門

解官千里至新月一鉤懸秉燭青樽畔停舟綠水前春  
來遊子倦老去故人憐客路煙花滿狂心逐少年



鯤溟詩集卷三

欽定四庫全書

集部  
鯤溟詩集卷四

詳校官監察御史<sub>臣</sub>周元良

侍讀<sub>臣</sub>孫球覆勘

總校官進士<sub>臣</sub>楊懋珩

校對官助教<sub>臣</sub>胡予襄

謄錄監生<sub>臣</sub>張丹崑

欽定四庫全書

鯤溟詩集卷四

明 郭諫臣 撰

江村寒食

故里逢寒食園林紅雨飛  
鶯藏新柳嘯燕向舊巢歸  
老去遊先倦年來事覺非  
小牕花下坐寂寞掩柴扉

解官歸過舊宅漫述

宦游湖海忽抽簪回首家山歲月侵  
舊識親朋多卽世

新栽松竹漸成林  
春寒花氣沾衣薄  
雨霽山光入座深  
寂寞柴門寒食後  
閒來負却一生心

春日吳郡侯枉顧山莊奉寄二首

帝里看花伴相逢  
數載餘當年同躍馬  
今日獨焚魚自是  
愚公谷何勞長者車  
竹牀陪笑語漫自摘園蔬

千里掛冠歸幽棲  
過客稀遠勞青眼顧  
時扣白雲扉邨酒盈樽  
綠池魚入饌肥  
林花映五馬蓬華爛生輝

贈陳雨泉方伯

薇省流芳錦水春還家初見二毛新山中猿鶴時為侶  
筆下龍蛇似有神戲綵試看萊子孝典衣無復少陵貧  
聖朝耆德方推重會見安車下紫宸

春日郊居縣尹陳公過訪

投簪謝人事歸著芰荷衣豈謂青雲客時過白板扉  
草堂論舊雨香徑藹春暉向晚回花縣雙鳬拂棹飛

雨中與客遊石湖同飲盟鷗亭二首

細雨春山曲淋漓溼翠屏殘紅初結子飛絮欲為萍  
浮



蟻新多興閒鷗舊有盟故人亭上坐相對眼俱青

收帆還著屐湖上繫蘭橈暮雨來吳嶂春煙翳越橋掛  
冠歸笠澤把酒醉花朝久已甘肥遯山翁不用招

春暮過蠡塘別業

江鄉春欲暮宦海客初歸紫陌風光好名園花事稀游  
絲罥酒幔落絮點人衣故里閒追省年來漸覺非

欲遊天池阻雨

乘興攜賓從將臨石上池逗留青嶂曲空負白雲期巖

雨滋花重厨煙出竹遲老僧頻進茗相對了殘棋

贈別同年李侍御補郡

征帆遙指五雲邊君向春江思渺然我已投簪林下隱  
仙舟同載是何年

登虞山拂水巖高臺

解官已作吳中隱攜客同登湖上臺峭壁日穿雲竇破  
飛泉風拂雨珠來山光遠戶開圖畫湖景浮空落酒杯  
乘興久拚酩酊醉林間好鳥莫頻催

琴川舟中漫述

薄遊數載苦無聞便欲攜家隱鹿門報國自慚心未遂  
還鄉祇喜舌猶存竹梧高館書千帙煙月孤槎酒一樽  
且向此中求適性悠悠世態復誰論

贈別王少府擢任比部

佐郡餘三載徵書正及期遙乘青雀舫前赴白雲司落  
日孤帆遠清風一鶴隨東南民利病應達九重知

蠡東即事

別業環居綠水邨倚天喬木午陰繁  
誅茅擬構藏書屋  
傍竹還開聽雨軒  
小犬籬邊迎客吠  
流鶯花外似人言  
掛冠歸後頻來此  
竟日曾無車馬喧

晚過蠡西舊宅與客小坐

山莊新雨霽正好納涼時  
返照穿簾入殘雲傍席移  
鶴林留客處雞黍故人期  
溪上秋風早還來理釣絲

蠡西尋舊識有客寓村莊  
知我停蘭棹攜樽過草堂  
坐深時漸暝醉後晚生涼  
酒散看明月清輝滿客裳

秋日與袁太常顧水部蔣高涼同集徐鴻臚園亭  
水國新秋日園亭欲暮時渚蓮香在苒煙樹影參差林  
際月生早花間客去遲疎狂晉山簡日醉習家池

吳城夜歸

暮出闔閭城扁舟載月行四郊浮夜色萬籟總秋聲露  
浥衣襟薄風生枕簟清蓬牕時假寐耿耿夢難成

寄呂比部同年

尺素緘題去秋風一鴈高懸知新粉署應念舊綈袍白

下分違久青宵夢寐勞憐君公輔器擬贈呂虔刀

秋日水竹居雜詠二首

小景開園圃層軒俯碧池捲簾看雨竹掃徑摘秋葵  
社燕辭巢去寒蟬抱葉悲幽栖多野意似與道人期  
晨興方冠櫛旭日到柴門水漲知魚樂林深厭雀喧  
秋光來遠嶂爽氣滿幽軒近學漢陰老忘機日灌園

秋晚梁谿道中

向晚梁谿道秋光滿畫船山明低落日波淨倒涵天  
遠

市分殘雨叢林起暮煙同行俱故舊杯酒共留連

毘陵道中

蘭舟載酒集高朋縹緲孤帆指義興  
平楚橋臨青嶂曲晴空塔聳白雲層  
沙汀水落萍還積田舍秋來黍漸登  
一局殘棋賓未散夕陽煙樹近毘陵

園亭夜宿

華屋三年別閒來一駐驂移樽同勝賞  
下榻恣幽探林壑秋聲滿亭臺夜色含  
山牕燈火下相對盡沉酣

蚤抵錫山

苦暑竟宵征歸帆拂曙星  
簾垂秋水碧坐對曉山青  
徙倚看漁艇微吟到驛亭  
此身渾似寄滄海一浮萍

柏瀆夜歸

天末夕陽收歸途只暝投  
揚舲過蠡澤失路問漁舟  
雨暗湖天夜風生荻岸秋  
宵分方抵舍燈火映青邱

湖州城下夜泊

清秋移桂楫薄暮宿茗溪  
雲磬來蓬底煙林隔水西  
川



原隨地勝星漢去城低欲訪山中舊前途候蚤雞

宴座主董司空宅

司空愛客興何長芳宴時開綠野堂  
皓齒滿前歌玉樹纖腰相對舞霓裳  
瑤觴頻勸人先醉銀燭高燒夜未央  
歸卧蘭舟初夢覺羅襟猶帶酒痕香

晚過平湖縣東湖

薄暮風生訪戴舟湖波遙引太空流  
墟煙縷縷山腰起塔影層層水面浮  
幾點閒鷗紅蓼晚一行新鴈碧雲秋

江鄉到處堪乘興，莫怪明時便乞休。

夜歸婁門

潮生荻岸平日暮，蘭橈歇篷底坐移時。開簾見新月。

秋夜獨處懷內

天遠鳳樓空，風清鴛帳冷。不寢起憑欄，月落孤松影。

秋晚虎邱山樓小坐

水國深秋景，山樓薄暮時。閒尋蘭若客，同醉菊花卮。草木行看變，雲林似有期。笙歌聲正沸，歸棹未云遲。

蠡塘舟中晚眺

江鄉過雨晚蕭疎，霜染楓林錦不如。  
數里煙帆漁父棹，孤村水竹野人居。  
樽攜綠醕時浮蟻，囊解青錢欲買魚。  
菊有黃花秋漸老，臨風徙倚獨躊躇。

初冬日園亭雜興

細雨園林潤，初冬景亦佳。  
蕉餘含露葉，菊剩傲霜花。  
古木臨寒水，高窗送晚霞。  
烹茶問童子，分火向鄰家。

冬夜與諸友同集馮郡伯園亭分得栖字

名園冠蓋集坐久忽雞栖明月當空滿晴雲去樹低窗  
間銀燭剪松下綠樽攜到處清輝繞歸途醉不迷

贈丁侍御同年赴南都三絕

滄江一棹駕長風水底魚龍亦避驄他日埋輪兼破柱  
始知江海有孤忠

繡服霞明映鴈冠臺端今日用丁寬先聲但落奸雄膽  
莫遣霜飛六月寒

折桂當年並馬遊君今攬轡氣橫秋自慚空負澄清志

宦海歸來已白頭

與顧水部期登樓玩雪不赴簡一絕

彤雲萬里雪漫漫門外花飛玉樹寒  
欲上層臺尋故約問君何事學袁安

除夕

百年已過半此夜歲云除  
消却風雲氣聊同水竹居  
湖山原有社政府久無書  
元日來朝是春風到草廬

艤舟靈殿寺與客同探梅花

澤國春陰久梅花尚未開疎枝含玉蕊清影落瑤臺客  
舫移樽至僧厨進茗來不須催几席隨意坐莓苔

送王少叅同年赴豫章

迢遞西江路花開滿故枝君懸新綬去予動舊遊思彭  
蠡春深後匡山月落時夢魂飛度處雲水隔天涯

雨後登城野望

雨歇天還霽沙乾路不迷亂鳩鳴竹塢飛燕掠芹泥城  
帶春雲潤山銜落日低醉餘時縱目芳草綠萋萋

雨後南園曉望

病酒連朝起較遲  
南園門掩日長時  
庭前草長多新綠  
雨後花開滿故枝  
絲颺微風冒古木  
水流曲徑到平池  
呼童為整登山屐  
恐負幽人石上期

上巳前一日與客同集虎邱山樓

山樓攜客飲春色  
正堪憐疊嶂浮雲外  
明湖落檻前松  
門斜映日花徑暗  
流泉欲掃千人石  
欣然一醉眠

春日與客同過張幼于湖上別業

春風湖上駐藍輿  
言訪蓬蒿仲蔚居  
高閣過雲浮棟宇  
匡牀飛雨潤琴書  
呼童頻進松陵釀  
對客時烹笠澤魚  
繾綣從君還竟日  
倦遊誰惜病相如

春日訪方司訓二首

訪舊攜軒從山行  
一徑斜春風多柳絮  
夜雨長蒲芽草滿  
王孫路雲深處士家  
憐君頭白盡潦倒卧煙霞  
不見方干久沉吟帶瘦容  
青山城市遠白屋薜蘿封身  
向閒中老交從病後慵  
湖山風月夜安得更相從



山牕獨坐二絕

日永篆煙消風寒襟袂薄閒牕無客來坐久庭花落  
林合鳥聲頻山含花氣重春色已將闌欲寢不成夢

上湖舟中

春遊興未已一棹泛中流塔影波心落嵐光樹杪浮岸  
花紅欲盡汀草綠初稠念此頻來往壺觴共勸酬

早登拂水巖

肩輿侵曉發一徑入中天花落鶯聲外人行鳥道邊雲

深低護石風送亂飛泉更上層巔望雙崖若劍懸

山齋睡起

幽齋初睡起斜日透窗明簷外羣蜂出花間一鳥鳴微吟無限思晏坐有餘清點檢殘春色凭闌詩又成

初夏日與社友同集蔣高涼宅

芳辰喜良晤清酌坐花前松竹開三徑冠裳聚七賢笑談娛白髮醉眼望青天別後林光暝歸途細雨邊

新夏登虎邱山閣

山樓杯酒坐移時  
醉倚闌干日欲西  
芳草叢深麋鹿走  
殘花落盡杜鵑啼  
林藏宿雨枝頭重  
風壓輕雲水面低  
遊客不知春已去  
畫船簫鼓聚香堤

贈吳少溪宮詹

海內賢豪士如公  
復幾人棄繻遊上國  
彈鋏客平津  
意氣凌霄漢  
聲華動縉紳  
穆皇初御極  
潛邸昔為臣  
晝日方傾藿  
秋風忽憶蓴  
煙霞堪自老  
風月未全貧  
安石登山屐  
淵明漉酒巾  
竹林羣結社  
桃實幾經春  
坐客金蘭

舊庭闌玉樹新陶朱同晚節方朔是前身人並推耆德  
時方禮逸民聖朝纁璧詔早晚下楓宸

許墅新晴

雨歇芳林潤風生細浪浮河津當孔道關法阻行舟斜  
日蒸花氣輕寒動麥秋自嫌嬰世網空負主人留

河橋曉發

水村雞唱後曙色到蓬牕雲破猶隨月河斜欲墮江乘  
風攜畫漿分火剔銀缸殘酒時消盡詩魔未肯降

集徐鴻臚園林

雷聲起天末驟雨忽傾盆徑引奔泉落林棲斷靄昏殘  
陽催去客暝色帶清樽醉拂羅衫袖淋漓半酒痕

夏日園居獨坐

經時久不到山莊數畝園居野趣長窗竹日高斜弄影  
庭花風動暗浮香書拋滿架呼僮帙酒熟盈樽待客嘗  
獨坐更無塵慮擾蕭然真足傲羲皇

南樓雨坐

投閒登小閣，獨坐倚雕闌。  
簾幙千村雨，絺衣五月寒。  
水聲來坐上，煙景翳林端。  
風灑侵窗竹，圖書潤未乾。

南浦新晴散步

散帙尋幽賞，園林過雨新。  
菜畦微有徑，苔石淨無塵。  
鄰犬時迎客，池魚解避人。  
壺觴隨意飲，漉酒不須巾。

鷺湖雨後舟行

雨洗湖光淨，可憐遠山湖。  
外斂輕煙離，披蘆荻疑連。  
漢浩渺，蘭舟欲上天。  
鳥逐帆飛明，鏡裏漁收網。  
掛夕陽邊。

呼僮醺酒消閒坐散髮蓬牕一醉眠

毘陵舟中

向晚毘陵道官橋繫短篷水迎風起浪日射雨成虹  
鬢逐年華白顏隨酒暈紅甘心老空谷一任笑愚公

舟中望惠山

往返梁谿道開簾見惠山遙憐多勝槩恨不及躋攀  
雲壑清泉冷松門白日閒狂遊今不倦極目只空還

歸舟晚眺

侵星時鼓棹，畢景未收帆。  
日落煙橫浦，天高月掛巖。  
多情新綠酒，落魄舊青衫。  
醉後清狂態，憑誰笑阿咸。

常熟舟中

落日琴川路，薰風彩鷁新。  
煙波時獨往，鷗鳥自相親。  
興豈同元亮，狂疑類季真。  
憑誰問行跡，湖海一孤臣。

十三夜山亭玩月

華館中秋夜，青天片月來。  
彤弓弦未盡，寶鏡匣初開。  
疎影穿簾幙，清光落酒杯。  
坐深忘却倦，一任漏頻催。



金焦日記卷四  
中秋夜石湖舟中無月

湖上通宵坐中天月未明孤舟虛夜景萬籟自秋聲竹  
葉沾還進燈花剪復生故人相對飲潦倒不勝情

十六夜抵虎山橋

夙有山橋約今從煙水遊晴嵐浮列嶂落日漾中流寺  
迫諸天晚湖懸一鏡秋相看明月上談笑理觥籌

秋日與客同登靈巖二首

破曉登危巘行行入翠微琴臺松韻細香徑露華晞地

僻幽花吐池晴浴鳥飛投閒尋古跡竟日自忘歸  
靈巖攜上客石磴倩僮扶掬水臨雙井凭高瞰五湖煙  
霞迷古洞霄漢插浮圖此地三年別重來興不孤

家弟歸自秣陵攜酒同登虎邱

朝來烏鵲喜天畔鵲鴿歸挈客登高閣開樽對落暉天  
香流綺席秋色上羅衣醉後回孤棹風帆一片飛

許墅舟中與蔣雲厓郡守夜話

河梁同艤棹杯酒夜相親坐對青燈久還驚白髮新煙

霞三徑侶天地兩閒人故舊論心處相看醉態真

秋日與蔣使君同遊黃公澗

登高行憩樹掃石坐聽泉林谷含秋色邛壚起暮煙亭  
依青嶂曲酒送白雲邊飲罷天將暝歸舟醉欲眠

蠡東秋夜

池館深秋夜寒蛩不住鳴涼颼千里至新月一鉤明古  
壁殘燈影空堦落葉聲芸編閒檢罷獨坐有餘清

秋晚南園二絕

亭俯曲池中人歸殘照裏夾岸芙蓉花盈盈隔秋水  
幽棲謝俗緣僻性耽清賞醉後步蒼苔東林月初上

南園秋暮二首

整爾塵氛遠居然心境幽遣懷頗覓句窮睇獨登樓  
黍孤邨晚芙蓉夾岸秋自甘疎懶性清世愧沉浮

搖落深秋後淒涼欲暮時印堦多鳥篆網戶總蛛絲  
竹圃風聲集蕉庭日影移時逢攜酒伴相與醉東籬

雨後晨起即事

卧聽中宵雨仍驚十月雷晨光時漸動寒色曉來催試  
檢狐裘在慵將鸞鏡開科頭清旭裏獨步思徘徊

送長洲李明府入覲

作宰君當英妙時政成應報九重知雲中宮闕雙鳬遠  
客裏風霜一鶴隨紫陌朝回煙未散彤庭宴罷日初移  
自來卓異堪殊賞借寇能忘竹馬期

與袁太常顧水部蔣郡守同登徐鴻臚後苑層樓  
叢林架層閣縹緲插青天遠送千山雨平吞萬井煙杯

傳殘照裏人醉白雲邊賢主時邀客頻來下榻眠

冬日舟過蠡西

仲冬風日好天氣更宜人霧散林初霽霞明水欲春帆  
移青雀遠村狎白鷗馴故舊時相迓樽前意味真

夜過蠡西竹梧書院

當年讀書處今日喜重過拂樹霜華重穿簾月色多興  
同狂阮籍迹類病維摩醉向孤燈坐淒涼奈若何

醉歸東蠡

醉歸天漸暝野燒映寒原委巷兒童候叢林鳥雀喧燈  
花落書案風葉走柴門自喜身閒曠那能效檻猿

竹梧軒晨起

夜飲歸來晚晨眠起較遲日高煙未散春入鳥先知自  
覺心如水寧言鬢似絲疎狂時共棄獨樂復何疑

東樓小坐

高樓瞰玄圃杯酒坐移時煙景翳林杪春光上柳枝窗  
虛雲滿棟冰泮水平池夙有清狂興臨風一解頤

早春與客同過張幼于曲水別墅

尋梅往南郭因過辟疆園  
奇石風霜古長林竹樹繁  
高情追梓澤痛飲效平原  
客散宵分後空餘月滿軒

蠡東別業閱壁間鄭侍御詩愴然書感

谷口人何在絨題手澤存  
青年棄軒冕白社共琴樽  
身退名還重家貧道自尊  
修文竟成幻無處可招魂

月夜舟次吳塔與顧陸二丈酣坐

扁舟載月艤林臯故舊相逢盡  
濁醪坐擁黑貂青露重



行看玉兔碧天高  
惟當佳景攜三益  
肯向衰年歎二毛  
曠達從來說嵇阮  
竹林還許醉山濤

陳氏湖田別業晚集

攜酒臨山閣  
杯深客漸醺  
湖心淹落照  
樹杪度春雲  
風急鴉羣亂  
山高鳥道分  
歸途無醉尉  
誰詰李將軍

過湖上友人別館

園林幽勝傍湖鄉  
春雨初晴草樹香  
落盡梅花無客看  
柴門深閉陸渾莊

春日游石湖因登張幼于浮黛樓

危樓時縱目物候向春融  
孤黛浮天上明湖落掌中  
牕虛含宿雨簾動引微風  
坐久渾忘去凭闌夕照紅

稽范堂懷張幼于

范相幽棲處風流幾百年  
清芬遺後代華構景前賢  
夜送吳山月晨分笠澤煙  
何時共公子歸老石湖邊

春日郊居遣興

春來江上景偏幽  
草木欣欣雨乍收  
花徑風微黃蝶舞

金定四庫全書  
卷四  
萍池水長錦鱗遊自憐綠野今為主誰識青門舊是侯  
杯酒爐薰消日月閒心總為白雲留

春城送張幼于遊錢塘兼寄張水部德夫

胥江春水漫城陰詞客乘春去武林三月風光湖上好  
六橋草色雨中深年來夙有青山約別後應多白雪吟  
花下若逢張水部為言予已二毛侵

曉發婁江將訪王棘卿元美

曉風吹片雨蓬底作輕寒煙草連天去江花帶露看幽

偏勤簡帙離索懶衣冠訪舊還探勝扁舟興未闌

春日過王棘卿園亭二首

摩詰幽居後藍田別業新園林三徑曲花木四時春  
日有攜琴客時多問字人頗容疎懶性一室願為鄰

紺園春欲暮光景入繁華雨後多芳草風前自落花  
攢峰危柱石曲水爛蒸霞未盡登臨興西林日已斜

春郊散步

江城春雨後綠水映晴沙緩步憐芳草多情恨落花  
衣

沾香霧重絲颺暖風斜興到尋遊伴前邨問酒家

春水舟中小飲二首

撥棹春波綠開簾夕照紅杯傳新荻渚人醉落花風縱  
飲情何劇狂吟句自雄衰年謝軒冕放浪一漁翁

攜榼聊同飲回舟已半酣煙雲花外繞天水鏡中涵  
宦海風塵遠江鄉趣味諳疎狂時共棄嘯隱大江南

後苑牡丹盛開與諸公同賞分韻得杯字

名花嬌豔雨中開把酒臨軒待客來繡幕香浮青玉案

雕闌光映紫霞杯  
殘春去夏無多日  
老景看花得幾回  
且向樽前共歡賞  
莫教零亂委蒼苔

自雲間過嘉善訪金明府不遇

停橈夜聽華亭鶴  
放棹晨披檣李雲  
日暮孤帆天際落  
路迷何處訪神君

園亭雨後即事

別墅紅塵遠幽居日掩門  
松聲醒客夢鳥語類人言  
籬落斜通徑溪流曲抱邨  
池亭梅雨霽獨坐向黃昏

送蘭溪金明府赴召北上

送君馳驛去江上雨初晴一鶴同琴往雙鳬拂棹行披垣新視草花縣舊知名聞說朝陽鳳偏從盛世鳴

獨酌

雨洗長天淨霞飛落照明行看秋色遠坐覺晚涼生獨酌聊乘興幽棲不用名醉吟空向夕四壁亂蛩鳴

送楊大叅同年赴粵西二首

秋風江上動雙旌遠駕星軺嶺外行夾道兒童笑相語

秋江應讓使君清

日落煙江路欲迷  
望中一片白雲低  
使君心與雲俱遠  
萬里隨風到粵西

送闕儀部之饒州

曉向金閭折柳枝  
臨行贈別意遲遲  
欲知別後相思處  
夢斷匡山月落時

獨坐

孤燈明滅夜迢迢  
獨擁寒衾酒漸消  
堦下蟲吟和露切



金定四庫全書  
卷四  
總前葉落信風飄百年已悟塵棲草一夢猶驚鹿在蕉  
老去自憐精力改帶圍應減沈郎腰

悟石軒待月歸舟漫成

悟石軒中竟日留坐聞仙籟引瑩篴蒼煙晴帶諸天暮  
丹桂香含一壑秋醉喜微風生短袂歸看明月浸虛舟  
每逢佳景偏多興狼藉杯盤夜未收

蠡東漫興

澤國秋將盡柴荆客到稀鴈歸楓葉改雞啄稻梁肥條

器催盛酒敲砧擬授衣山林興成癖甘與世相違

塘灣舟中夜雨

山雨暮來急蓬牕夜卧遲簫聲雲外落燭影席間移共  
醉黃花酒應多白雪詞因悲名利客潦倒在天涯

送曾鴻臚歸豫章

握手臨歧把濁醪送君千里去江臯清霜曉拂張華劍  
朔氣寒生范叔袍彭蠡帆收山月上匡廬雁度楚天高  
相逢不久重為別兩地應知夢寐勞

送徐明府赴海陽二首

送子潮陽去星輶度嶺雲當官應有法飾治更須文海

近烽烟接城臨島嶼分欲知新製錦試問小馮君

馮乃舊令

族本衣冠舊腰懸印綬新雙鳬飛遠道匹馬逐輕塵月  
照琴堂夜花明海縣春政成歌頌起坐見鱷魚馴

許墅道中

天末長風發孤舟送上溪鷗羣衝浪起鴈陣入雲迷林  
帶荒煙暝山銜落日低蟹螯空薦酒痛飲醉如泥

舟中偶述

虔臺遊倦即歸畊蹤跡渾如水上萍  
遯世何須歌白石養生惟喜誦黃庭  
詩當月下偏催和酒向花前不放停  
自是江鄉容傲吏許誰遙應少微星

夜宿山家

車馬勞勞日已斜僕夫指引到山家  
園蔬細摘時頻進村酒新篘不用賒  
片月近人寒弄色孤燈對客夜生花  
山翁醉問家何處慚愧吳門學種瓜

曉行入山

曉別山翁去星河壓嶺低亂岡頻駐馬數里未聞雞殘  
月和煙沒清霜使徑迷仙家行漸近徐步躡丹梯

晨登大茅峰

肩輿涉險到仙源一路泉聲入耳喧巖畔蒼松千歲古  
洞前瑤草四時繁龍潛幽壑生雲氣龜斷荒碑積蘚痕  
便欲飄然避塵世採芝何處訪東園

夜宿崇明寺舊寓

二十年前逐隊行重來蕭寺不勝情入門寒月侵階白  
俯檻浮雲與塔平燈下漫傾新貰酒壁間還認舊題名  
夜寒禪榻淒涼甚一枕黃梁夢不成

南都歸途中作

整裝晨向板輿升物外雲遊近類僧浪跡自同狂北阮  
微行誰識舊東陵吳中別業應歸去白下名山惜未登  
非敢清時即長往依違恐負丈夫稱

虎邱訪僧不遇

停橈徐步扣禪關門掩松陰白日閒坐對寒雲時悵望  
蕭條落葉滿空山

南樓曉望

曉向南樓望陽光動綺疏蛛絲盈几案鳥跡汙琴書曝  
背難為獻閒心只自如仲冬風日好聊此稱幽居

送王大叅同年南還二首

當年邂逅大江濱策馬看花上苑春宦轍從來途路險  
故鄉歸去歲華新東風舊宅仍栽柳細雨芳洲更采蓴

別酒莫辭頻勸飲與君俱是倦遊人

江城送客日西斜一片孤帆去永嘉澤國舟中無蕙苳  
官橋雪後有梅花故人惜別重攜手遊子先春擬到家  
鍾鼎山林俱夢幻好將詩酒弄煙霞

郊居晨起即事

郊居時晏起寒色動柴門日出雞豚散庭空鳥雀喧  
斷煙棲木杪殘雪擁籬根曝背南簷下狐裘漸覺溫

山行口占



湖鄉歲晚倚蘭橈  
山背陰陰雪未消  
閒向官橋時問信  
春光先露早梅梢

月夜渡湖過虎山橋

一葦風生過五湖  
山橋此夜月同孤  
天浮皓魄連銀漢  
波漾流光注玉壺  
荻渚漁歌時互答  
沙汀鴈宿自相呼  
優游物外渾無累  
且覓高陽舊酒徒

元日

元日還新霽  
東風上柳條  
遠山嵐半吐  
積水凍全消  
寶

鼎香焚柏金樽酒頌椒衰年逢令節清興覺偏饒

送王古菴侍御之夜郎

金閨門外柳條春客旆悠悠指去津江畔寒梅迎棹發  
天涯芳草映袍新憐君舊是烏臺使老我今為白社民  
別酒臨行須強飲雲山萬里共誰親

閒過靈殿寺看梅

古寺荒涼煙景賒竹林深處是僧家老梅不識寒暄態  
依舊春開幾樹花

金匱要略卷之四  
春日攜榼同顧陸二文學往北寺野望

雙樹尋芳坐孤梅發興新日斜幡影墜春入鳥聲頻陌  
上韶光動樽前趣味真年來逃世網偏覺故人親

晨起

何處雞聲枕上聞碧紗窗外曙初分庭花欲發含朝露  
海日將生散曉雲解組久同南郭隱守株無愧北山文  
殘生病後堪行樂不羨區區竹帛勛

病起小齋即事

不到名園久春殘花事稀林香還入坐草色欲沾衣  
木干青漢層臺落翠微平生耽勝賞日暮竟忘歸

夜宿山房

客座傳杯罷禪房借榻眠小樓青嶂曲高枕白雲邊  
寶刹諸天近瑤臺片月圓幽棲塵事遠積久足延年

月下與客同步

散步千人石鐘鳴夜未闌雲歸山閣暝月浸劒池寒  
花氣侵衣薄松風吹酒殘病餘難久立長嘯倚危闌

山房晚坐

山中初病起三宿遠公房避俗尋蓮社  
全生禮藥王泉流穿澗冷花落染塵香  
對此逍遙坐將迎意盡忘

山房曉起簡同遊諸君

無端夜雨五更寒紙帳聞雞客夢殘  
松籟風微還入座花陰日上漸過闌  
漫言桑下逾三宿還喜樽前聚二難  
乘興忘歸君莫訝萬金那易一身閒

後苑層樓登覽

高閣連雲起層軒逼水開  
簷前芳樹遶座上遠山來  
景向春城聚詩從暮雨催  
家園增勝槩竟日此徘徊

立夏日後苑漫題

倏忽流光春又徂朝來病骨強  
支吾輕煙風颺時高下  
細雨雲移乍有無深竹鶯遷  
簾外語平湖鳥下鏡中呼  
景隨物換留無計斷送餘生  
酒一壺

初夏南園雜興一首

南苑逢初夏薔薇滿架花  
幽香微帶雨麗色爛蒸霞  
地

擬東山勝樽開北海賒謝公行樂處沉醉岸烏紗

夏日過劉秀才邨居

訪舊青郊外停舟綠水濱  
景臨初夏日情是故鄉親  
杯酒論文久園林發興新  
相看頭盡白來往莫嫌貧

無錫城下夜泊

沙洲維畫舸獨坐向黃昏  
月委溪流湧風隨麥浪翻  
烏棲城下柳犬吠水邊村  
心事憑誰語惟須酒一樽

與客同登吳氏園樓

高閣憑闌坐川原一望分庭花晴媚日林木上干雲  
山色侵牕入鳩聲隔竹聞論文兼話舊不覺酒微醺

晚發岳亭

客路通宵雨河橋柳色青水深新荻渚煙暗古郵亭對  
鏡冠慵整凭闌酒未醒年來困塵網華髮漸星星

毘陵道中二首

揚帆初雨霽縹緲向毘陵雲斂山仍出沙虛岸欲崩渚  
花迎雀舫堤柳掛魚罾歸路梁谿近名山擬共登



金匱要略卷之四  
卷四  
路出晉陵西城懸落日低鷗驚漁棹起烏向女牆棲水  
竹由來美煙花望欲迷因思漆園吏吾道付醯雞

南園散步

向晚開三徑薰風洒客裳修篁新脫粉幽草暗生香水  
溢羣魚泳林深百鳥藏閒來觀物理不覺意俱忘

郊居口號二首

嬾性優游鹿豕羣閒將杯酒對南薰醉來高卧北窗下  
松竹蕭蕭鎖白雲

課僕晨畊負郭田坐憐喬木午參天也知冠蓋京華客  
輸我林間一醉眠

送馬大叅同年北上

一片征帆帶夕暉官橋煙柳暮依依別時紅蓼迷江渚  
到日黃花滿帝畿命下喜生毛義檄夢回驚覩老萊衣  
知君才力猶強健肯向明時暫息機

吳江訪李中丞晚歸二首

訪舊攜孤棹江城落照紅暮林投倦鳥秋水偃長虹燈

起荒郊外帆飛細雨中三高不可作千載仰遺風

畫船時載酒銀燭夜生花老去身逾嬾秋來興每佳朗  
吟歌白雪沉醉岸烏紗舟子兼程進更深未到家

琴川夜歸

百里琴川路扁舟載月歸揚帆凌皓景把酒弄清輝山  
斂孤雲盡河懸列宿稀更闌人醉後露下濕荷衣

夜泊太倉城下

醉向篷牕卧悠悠夢未成一簾秋月白孤枕夜濤聲風

有江湖興難忘魚鳥情漏催天易曉隔水又雞鳴

松江道中

水鄉溪屈曲蘆葦晚蕭蕭歸鴈衝殘雨行舟趁落潮新  
詩時易就宿酒未全消前路多村店青旗映畫橋

秋晚過西山別業

艤棹臨湖曲穿雲過嶺西亂蛩吟露切歸鳥度煙迷天  
斂殘霞盡峰懸落日低山齋行欲到分火借青藜

天池道院小坐

名山深窈窕池引細泉分樹倚將崩石峰留欲去雲幽  
軒含積翠古桂送清芬痛飲渾忘去微風酒漸醺

贈孫將軍岐陽

將軍不武類能文籍籍芳聲藝苑聞策蹇行吟松徑月  
枕書高卧石牀雲看花酌酒秋將暮剪燭彈碁夜未分  
寄我新詩總珠玉山堂日日挹清芬

贈張幼于訪舊

幽棲常傍白雲眠乘興時登訪戴船舊約喜從千里去

新詩應擬萬人傳  
滄江水接天  
俱遠采石秋  
高月正圓  
知向故人歡會處  
桂花香落酒樽前

蠡東別墅

籬落三秋景  
柴扉一徑通  
浩歌驚宿鳥  
徐步聽寒蛩  
橘柚霜前綠  
芙蓉水際紅  
無官真散逸  
何必悶書空

九日與客登上方流雲亭

選勝登危巘  
攀躋未憚勞  
兩山浮水出  
孤塔插天高  
湖色分漁艇  
林香入客袍  
日斜人醉後  
轉覺興陶陶

蠡溪秋夜

一池秋水浸芙蓉  
荒蘚如烟草徑封  
平楚雨收煙慘淡  
長空雲翳月朦朧  
欲逃塵網同孤鶴  
閒向邱樊愧伏龍  
寂寞山窗燈火夜  
樽前嘯咏任疎慵

孟冬日南苑即事

窮日牽塵鞅  
因耽別業幽  
園林開綠野  
臺榭俯清流  
落葉飛還舞  
閒雲去復留  
地偏心境寂  
無語倚南樓

晚過王宴嶺

山行逾數里一嶺界天高疊嶂全封蘚叢林半是蒿雲  
歸迷鳥道風起沸松濤向晚回孤棹行厨進濁醪

夜宿江樓

欲覽仙巖勝遙從江上行小樓春月色孤枕夜濤聲竹  
葉消愁盡梅花入夢清來朝潮正長風送一帆輕

八圻夜泊

笠澤停橈處村醪不醉人樽前燭影墜岸上柝聲頻漸  
覺家山近休嫌客路貧夜來風雨急疑是妒芳辰



上方流雲亭小坐

日浴湖光淨山含秋氣深白雲迷古寺黃葉墜疎林水  
送亭中色峰移石上陰相逢此佳景杯酒醉還斟

寄徐大叅同年二首

曾向長安步後塵倦遊歸卧五湖濱雲林自喜能容我  
宦海從來可畏人一枕黃梁真是夢數杯綠酒易為春  
百年光景今過半贏得逍遙物外身

畏途日日起風波寄語君侯奈若何黃雀銜環誰復有

青蠅玷壁古來多射工沙際窺人影魑魅山中喜客過  
須識此中真險惡還家嘯傲舊煙蘿

早春日晨起遣懷

斗帳孤眠怯曉寒起看紅日已三竿誰憐病後腰肢小  
自覺閒來心境寬柳色弄晴煙未散梅花破冷雪初殘  
從教春滿西郊外繞路芳菲簇錦鞍

早春日自遣

東風披拂凍全消漸覺煙光動柳條病後未須拋藥裹

春來還喜整蘭橈  
山中蘿薜原相約  
湖上梅花早見招  
自分逍遙謝塵鞅  
但將詩酒過清朝

春夜

病骨偏宜睡  
呼童早閉門  
孤燈侵夜短  
薄絮向春溫  
雨翳鐘聲杳  
風驚犬吠喧  
誰憐漢司馬  
今已老文園

徐少叅宦遊初歸賦得東園春奉寄

江城佳勝在名園  
花木逢春各競妍  
鴨綠波光浮麗日  
鵝黃柳色弄輕煙  
遊人久許攜樽過  
舊客還容借榻眠

寄語初歸東道主暫時相賞是良緣

上巳日雨坐遣懷

上巳多風雨蘭亭興已違春寒增寂寞煙景入霏微草  
色間侵慢苔痕欲上衣登樓時徙倚點點暮鴉歸

琴川道中

虞山不到已經年此日登臨破暝煙沙岸人行殘霧裏  
水村花發夕陽邊白頭漸覺交游少青眼還應故舊憐  
夜向蓬牕還起坐一方明月滿琴川

南園口占二絕

卷四

池臺久雨後芳徑生新草閒上畫樓看牕裏青山小  
小亭蒼翠繞與客坐移時花落青春暮枝頭叫子規  
暮春日蠡東對客遣興

抱病江鄉過客稀春深白日掩柴扉樽前愛坐山當戶  
醉後何妨酒滿衣飛絮池塘魚競出落花庭院燕初歸  
來朝不淺登臨興著屐穿雲入翠微

病中口號

雨後花香入院清閒來心境絕將迎一庭修竹紅塵遠  
竟日唯聞鳥雀聲

失編

和顧東白罔卿歸田倡和集原韻

九重綸命下公車得許東歸意自如青瑣當年同仗馬  
碧山今日復焚魚三竿紅日堪消酒半榻清風稱讀書  
更羨臨行投贈者陽春欲和愧瓊琚

金陵下第東歸

石頭城下竝孤舟千里關山汗漫遊行色  
息忙書劒冷  
西風蕭颯鬢毛秋疎林黃葉連天思古驛  
寒花滿目愁  
三載相期只如此忍看蘇李黑貂裘

雨後中庭夜坐

槐庭秋雨霽正是納涼時雙闕銀河近  
千林玉露滋興  
隨清夜發坐為好風移此意無人解唯  
應達者知

挽朱秀才良玉

蚤歲相知筆硯同中年岐路各西東青  
雲愧我身先達

白首憐君志未終，蕙帳徒懸秋月冷。  
酒杯應向夜臺空，臨風無限淒涼思。  
腸斷荒煙落日中。

贈楊道衡姊丈

當年同學在庭闈，中歲離羣一鴈飛。  
愧我風塵偏易老，羨君林壑又知非。  
玉桃薦酒娛珠履，金勝傳春映綵衣。  
共對南山頻勸飲，不妨明月繞柴扉。

宿上宮吳道士太虛樓

太虛樓閣倚層雲，檻外三峰掛夕曛。  
嵐合香煙千樹暝。



風飄仙籟九天聞初晴簾幕懸烏影向晚松楸下鶴羣  
更喜慙慙吳羽客相隨月下禮茅君

山中贈楊勺泉道士

仙壇久著鍊師名鞭撻風雷宇內驚勺水休將容易看  
曾為霖雨濟蒼生

哭金秀才

月落江湖夜已闌故人別後見應難西風吹散清宵夢  
腸斷霜天雁影寒

悼鶴

雙鶴原從海外來，幽軒日日步蒼苔。  
未能振翮凌霄漢，相繼游魂赴夜臺。  
雲暗江樓何處覓，月明華表幾時回。  
憑闌悵望西風下，零落霜毛真可哀。

戲為柳枝詞贈別二首

岸頭柳色近鵝黃，絲短那堪別恨長。  
寄語東風休作態，天涯到處斷人腸。

東風昨夜消殘雪，弱柳絲絲漸堪折。  
上林春色自多情，

金匱要略卷之四  
莫向河橋頻送別

濠梁雜詠六首

紅羅浮水產真人崛起平將六合吞掃蕩凶殘歸禮樂  
朗然別是一乾坤


元末英雄角逐時真龍猶未出天池諸艱歷盡天方授  
一起時將大難夷

豐沛濠梁俱帝鄉盡憑三尺定封疆本朝自用周官制  
不似炎劉雜霸王

河山形勝昔中都佳氣千年擁帝圖多少金陵騎馬客  
當年曾此効工徒

彭蠡鏖兵勢頗窮韓生徇節意何忠那知漢室論功日  
不錄滎陽紀信功

破曉馳驅驛路來沙邊立馬自徘徊英雄千載今誰在  
淮水東流不復回



鯤溟詩集卷四